

## 【附增四獄】

（科註第四三九頁第二行 第171集 2013年2月10日）

《法相辭典》「近邊那落迦」條（節錄）：

一、塘煨齊膝（塘煨增，塘煨音唐威，熱灰也。）：彼諸有情，出求舍宅，遊行至此；下足之時，皮肉及血，並即銷爛；舉足還生。次此塘煨無間，即有死屍糞泥。

二、死屍糞泥（尸糞增）：此諸有情，為求舍宅，從彼出已；漸漸遊行，陷入其中，首足俱沒。又屍糞泥內，多有諸蟲，名孃（音娘）矩吒。穿皮入肉，斷筋破骨，取髓而食。次屍糞泥無間，有利刀劍。

三、利刀劍（鋒刃增）：仰刃為路。彼諸有情，為求舍宅，從彼出已；遊行至此；下足之時，皮肉筋血，悉皆銷爛；舉足之時，還復如故。次刀劍刃路無間，有刃葉林。彼諸有情，為求舍宅，從彼出已；往趣彼蔭。才坐其下，微風遂起，刃葉墜落，斫（音濁，砍也）截其身。一切支節，便即劈（音必，仆倒也）地。有黑鰲狗，搯掣（搯，音紮，用手指抓東西；掣，音徹，拉，拽。）脊胎而噉食之。從此刃葉林無間，有鐵設拉末梨林。彼諸有情，為求舍宅，便來趣之；遂登其上。當登之時，一切刺鋒，悉迴向下；欲下之時，一切刺鋒，復迴向上。由此因緣，貫刺其身，遍諸支節。爾時便有鐵嘴大鳥，上彼頭上，或上其膊（音博，上肢，近肩的部分）；探啄眼睛，而噉食之。從鐵設拉末梨林無間，有廣大河。沸熱灰水，彌滿其中。

四、(烈河增)：有廣大河。沸熱灰水，彌滿其中。彼諸有情，尋求舍宅，從彼出已；來墜此中。猶如以荳，置之大鑊，然猛熾火，而煎煮之。隨湯騰湧，週旋迴。復於河兩岸，有諸獄卒，手執杖索，及以大網，行列而住。遮彼有情，不令得出。或以索胃(音倦，用繩子套)，或以網漉(音路，用網撈取)，復置廣大熱鐵地上，仰彼有情，而問之言：汝等今者，欲何所須？如是答言：我等今者，竟無覺知。然為種種飢苦所逼。時彼獄卒，即以鐵鉗(鉗，音前，夾東西的用具)鉗口令開，便以極熱燒然鐵丸，置其口中。餘如前說。若彼答言：我今唯為渴苦所逼，爾時獄卒，便即洋銅以灌其口。由是因緣，長時受苦。